



Broj: 05-13-17700-5/21
Sarajevo, 13.7.2022. godine

Na osnovu člana 69. stav (2). Zakona o javnim nabavkama ("Službeni glasnik BiH, broj: 39/14), na preporuku Komisije za provođenje postupka javne nabavke iz Zapisnika o pregledu kvalifikacione dokumentacije, broj: 05-13-17700-4/21 od 4. jula 2022. godine, Ministar komunalne privrede, infrastrukture, prostornog uređenja, građenja i zaštite okoliša Kantona Sarajevo d o n o s i:

ODLUKU

o poništavanju postupka javne nabavke

Član 1.

Poništava se pregovarački postupak bez objave obavještenja za javnu nabavku usluge **"Održavanje sistema javne rasvjete na području općine Hadžići – dodatne količine"**.

Član 2.

Odluka stupa na snagu danom donošenja i objavit će se na internet stranici Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo istovremenom sa upućivanjem ponuđačima koji su učestvovali u postupku javne nabavke.

O b r a z l o ž e n j e

Ministarstvo komunalne privrede, infrastrukture, prostornog uređenja, građenja i zaštite okoliša pokrenulo je pregovarački postupak bez objave obavještenja za javnu nabavku usluge **"Održavanje sistema javne rasvjete na području općine Hadžići – dodatne količine"** na osnovu Odluke o pokretanju postupka javne nabavke, broj: **05-13-17700-2/21 od 03.06.2022.** godine. U predviđenom roku za dostavu kvalifikacione dokumentacije pristigao zahtjev za učešće kandidataka Telefongradnja d.o.o. Sarajevo, broj: 05-11-25153/22 od 27.6.2022. godine, za kojeg je utvrđeno da **nije dostavio**:

Izjavu o ispunjenosti uslova iz člana 45. Zakona ovjerenu od nadležnog organa, a kako je to propisano tačkom 4.2.1. TD.

Izjavu o ispunjenosti uslova iz člana 47. Zakona ovjerenu od starane kandidata, a kako je to propisano tačkom 4.4.2. TD te nije dostavljeno uvjerenje/potvrda izdana od poslovne banke kandidata kojim se potvrđuje da glavni račun kandidata nije bio blokiran u zadnjih 180 dana



računajući od dana upućivanja poziva za dostavu zahtjeva za učešće. Ugovorni organ konstatuje da je kandidat dostavio potvrdu izdanu od Unicredit Bank, ali je predmetna potvrda izdana 19.4.2022. godine čime se ne dokazuje da račun kandidata nije bio blokiran u zadnjih 180 dana računajući od dana upućivanja poziva za dostavu zahtjeva za učešće, s obzirom na činjenicu da je poziv kandidatu upućen 24.6.2022. godine.

Izjave propisane tačkom 4.5.1. TD, odnosno:

Izjavu da kandidat prihvata obavezu preduzimanja svih mjera u cilju zaštite okoline i mjera energetske efikasnosti koje će primjenjivati prilikom pružanja usluga;

Izjavu kojom kandidat prihvata obavezu da vrši zbrinjavanje električnog i elektronskog otpada nastalog kao produkt realizacije usluge održavanja na ekološki prihvatljiv način i u skladu sa zakonskom regulativom;

Izjavu kojom kandidat daje garanciju na izvršene usluge u minimalnom trajanju od 2 (dvije) godine od završetka usluge uz obavezno navođenje tabelarnog prikaza garantnih rokova za sve materijale koji su predmet ugradnje. Izjavu da nije nudio mito niti učestvovao u bilo kakvim radnjama koje za cilj imaju korupciju u predmetnoj javnoj nabavci ovjerenu od strane nadležnog organa.

Obrazac za dostavljanje zahtjeva za učešće – Prijava kandidata sa Izjavom kandidata o ispunjavanju svih kvalifikacionih uslova, kao ni Izjavu kandidata o ispunjavanju svih kvalifikacionih uvjeta.

Zahtjev za učešće nije dostavljen čvrsto uvezan, odnosno ukoričen u knjigu ili osiguran jamstvenikom kako bi se onemogućilo naknadano umetanje ili vađenje listova, a kako je to traženo samom TD. Također, kandidat nije izvršio numerisanje stranica dostavljene kvalifikacione dokumentacije.

Shodno naprijed Ministar je prihvatio preporuku Komisije za provođenje postupka javne nabavke te je donesena odluka kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi, putem Ministarstva komunalne privrede infrastrukture, prostornog uređenja, građenja i zaštite okoliša, u roku od 10 (deset) dana od dana prijema iste i to u pismenoj formi i u dovoljnom broju primjeraka, a koji ne može biti manji od 3 (tri).



MINISTAR

Enver Hadžićanmetović, dipl. ing. maš.

Dostaviti:

1. Telefongradnja d.o.o. Sarajevo; ul. Donji Hadžići bb, 71240 Hadžići
2. Evidencija
3. Arhiva



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-086, Fax: + 387 (0) 33 562-177
Web: <http://mkipgo.ks.gov.ba>,
E-mail: mkipgo@mkipgo.ks.gov.ba